

Q. D. B. V.

DE

PRAESTANTIA MATHESEOS
IN
PHILOSOPHIA NATVRALI

EX

PLANE SINGVLARI
AMPLISSIMI PHILOSOPHORVM ORDINIS
BENEVOLENTIA

SINE PRAESIDE

VIRO AMPLISSIMO ATQVE EXPERIENTISSIMO

RVD. CHRIST. VVAGNERO

PHILOS. ET MED. D. MATHES. AC PHYSIC.

P. P. O. MERITISSIMO

PRAECEPTORE AC PATRONO SVO

AETERNVM VENERANDO

DECANO AC PROMOTORE

PRO SUMMIS

IN PHILOSOPHIA HONORIBVS

AD DIEM XXVIII. NOV. ANN. CIDI⁹CCXXVI.

IN IVLEO MAIORI

DISPVTABIT

IO. NICOLAVS FROBESIVS

GOSLARIENSIS.

HELMSTADII

EX OFFICINA BVCHOLTZIANA.

O. D. B. V.

DE

PRÆSTANTIA MATHEMATICA

PHILOSOPHIA NATURALIS

PLA. C. RIVOT. 1841
ASSISTENT PHILOSOPHICUS ORDINIS
F. R. I. O. L. T. A. T. I. A.

PHILOSOPHIA NATURALIS
R. V. D. CHR. F. W. A. G. N. E. R. O.
PHILOS. ET NAT. D. C. A. M. E. R. I. C. O. S. I. G. N. I. F. I. C. A. T. I. O. N. I. S.

TRABITIONE. NO. 1. 1840. 2. 1841.
DE. 1. 1840. 2. 1841.
DE. 1. 1840. 2. 1841.

DE. 1. 1840. 2. 1841.
DE. 1. 1840. 2. 1841.
DE. 1. 1840. 2. 1841.

DE. 1. 1840. 2. 1841.
DE. 1. 1840. 2. 1841.
DE. 1. 1840. 2. 1841.

DE. 1. 1840. 2. 1841.
DE. 1. 1840. 2. 1841.
DE. 1. 1840. 2. 1841.



Q. D. B. V.

§. I.



Immortalem sane optimarum rerum scientiis splendorem conciliarunt, qui *mathematicam naturae cognitionem* uel primi susceperunt, uel susceptam ab aliis sollertius excoluerunt, ac posteris perficiendam prudenti consilio commendarunt.

Praefatio,

Ut enim silentio nunc praeteream, quam insignem *artes* tantum non omnes exspectare inde possint utilitatem, *theologia* profecto *naturalis*, eidemque connexa *philosophia moralis*, tanquam praecipuum (si a reuelatione abieris) humanae felicitatis fundamentum, demta laudata ista scientia, haud exigua euidetiae suae partem amittunt. Quare mirum omnino uideatur, nisi omnes, qui liberalioribus studiis se se manciparunt, exactam illam uniuersi hujus adspectabilis considerationem quasi diuinam uenerentur, sibi que commendatissimam habeant. Interim, quae per-

peruerſa eſt mortalium indoles, non deſunt, qui eandem periculofam, atque ad atheiſmum procliuem, magno cum ſtrepitu pronunciant. Scilicet admirabilem uniuerſi hujus machinam, tanquam diuinæ majeſtatis theatrum, diuinitus homini conceſſam haud quaquam inficiantur; at qualem qualem ejus luſtrationem diuinæ majeſtati cognoscendae humanæque menti oblectandae ſufficere contendunt, exactiorem autem (h. e. in qua *characteres* & *curuas* adhiberi ſentiunt) ſuſpectam ualde eſſe, imo uero, tanquam diuinæ gloriæ fatalem, penitus damnabilem. Egregios ſapientes! bellam ratiocinationem! Enimuero quis tam eſt ab omni ratione atque integritate alienus, qui non ita potius ſtatuat: machinæ mundanae, corporumque in eadem obuiorum contemplationem, quo ſublimior eſt atque exactior, hoc etiam præſtantiorem eſſe atque ad infinitam numinis potentiam, ſapientiam ac bonitatem perſpiciendas accommodatiorem; & contra, mundi contemplationem, quo leuior eſt, hoc etiam eſſe uiliorem, atque ad illuſtrandas perfectiones diuinas ineptiorem. Dudum enim, niſi fallor, a uiris ſagacioribus animaduuerſum, profanas hominum de deo opiniones, & qui has ſequuntur, mores peruerſos e ſuperficiaria rerum phyſicarum tractatione maximam partem enaſci, neque alia ratione emendatum iri, niſi profundiorē naturæ diſquiſitionem curæ cordique habuerint, qui diuinarum atque humanarum rerum ſtudioſos ſeſe profitentur. Quam quidem ob rem libenter audio uocem illuſtris quondam ſcientiarum in Anglia ſtatoris, BAC. VERVLAMII, qui *L. 1. de augmentis ſcientiarum, philoſophia*, inquit, *obiter libata a deo abducit, penitus hauſta ad deum reducit*. Quin ſummi etiam in Anglia theologi præclarum hoc ciuis ſui pronunciatum, ex BOYLII inſtituto, noſtris temporibus comprobatum dederunt luculentiffime: quicquid enim DERHAMVS, CLARCKIVS, * aliique in ſcriptis

* Conf. III, WOLFII *Phyſic. T. II. de finibus rerum natural. P. I. c. 4. §. 36.*
Adj. IO. RAVIVS in tr. de gloria dei.

ptis suis physico-theologicis, atheismo oppositis, tradiderunt, id quidem omne inprimis eo spectat, ut *ex principiis mathematicorum noniter detectis* clare demonstretur, ipsam corporum naturalium indolem cum uniuerso mundi systemate ita comparatam esse, ut quoquo tandem oculos ac mentem conuertimus, nusquam non numinis alicujus perfectissimi uestigia deprehendamus. Videant igitur, ne iniquos erga diuinam gloriam sese gerant, qui *physicam mathematicam* quasi pestiferam aut intempestiue curiosam execrantur, in qua tamen haud spernendam humanae mentis tranquillitatem sitam aduertimus. Neque uero metuendum erat, ne, dum naturam usque adeo sollicitè perlustramus, iusto citius ejusdem diuitias exhauriamus: etenim uere inexhaustam diuinæ gloriæ abyssum eo luculentius in eadem spectabimus, quo penitius in abditissimos rerum naturalium recessus penetrauerimus. Si qui uero fuerint, qui profundam hanc naturæ contemplationem inanem fortassis, ac pani lucrando minus aptam, judicant, illi quidem per me suam sibi seruent *pigrorum philosophiam*: interim sciant, incomparabiles has diuinarum rerum delicias non tam abjectis, quam generosis solidaeque ueritatis cupidis mentibus esse adpositas; nullam autem ueritatem spernendam prius esse, quam ubi plane constiterit, eam nihil, neque ad scientiæ neque ad uitæ perfectionem conferre unquam posse. Hoc uero est, quod demonstratu difficile, quin imo impossibile.

Sed ut illustrius adpareat, matheseos in physicis adplicationem neutiquam esse a mathematicis confictam, sed ipsi rerum naturæ conformem; item quibus principiis, qua methodo usi fuerint, qui in scientia naturali prope ad stuporem excellunt; qua denique uia incedendum sit, sicubi nos etiam in hoc studiorum genere supra uulgus sapere atque plus ultra progredi uoluerimus, operæ pretium existimauius, speciminis academici loco qualemcunque, at quantum licet, di-

stinctam praestantiae matheseos in philosophia naturali & expositionem & demonstrationem suppeditare.

§. II.

Quid &
quotuplex
sit mathesis

Mathesis, aut si mauis, *Mathematicam*, pro recepto semel in scholis philosophorum uocabuli hujus ualore, *quantitatis qua talis* dicimus *scientiam*; adeoque hac ipsa definitione innuimus, nihil omnino in immensa hac rerum uniuersitate deprehendi, quin idem simul matheseos ambitu comprehendatur. Quum enim *quanta* dicimus, *quaecunque augeri possunt ac minui, quatenus augeri possunt ac minui*; proindeque *quantitatem mente nostra concipimus, dum rerum homogenearum in una quadam re nobis repraesentamus multitudinem*; sane omnia, quaecunque praeter deum animis sensibusue nostris obuerfantur, mathematicam quandam admittunt sui considerationem. Sic e. g. animal quodcunque spectari potest a mathematico, non solum quatenus gaudet corpore quodam organico, extenso, & ex pluribus aliis partibus minoribus conflato, sed etiam quatenus instructum est anima certis perfectionum gradibus conspicua; utrisque enim juxta fixam aliquam magnitudinem aut perfectionem dimetiendis aut aestimandis regulas praescribere, mathematici est. Quod ne cui, pro pristina disciplinarum mathematicarum facie, mirum uideatur, paulo apertius explanandum nobis erit, quae tandem uera sit matheseos indoles, quaeue sint praecipua disciplinarum mathematicarum genera. Nempe dum rerum finitarum naturam curatius perpendimus, duplicem deprehendimus illarum classem, alteram *materialium*, *immaterialium* alteram. Utrisque, secundum nostram quantitatis ideam, certa quaedam inest quantitas; in his quidem certus quidam ac determinatus *perfectionis gradus*; in illis uero, nempe materialibus, certus quidam ac determinatus *partium numerus*. Igitur gemina hinc emergit quantitatis, ideoque & gemina quoque

quoque matheſeos ſpecies: Etenim ſi quantitas conſiſtit in certo quodam perfectionis gradu, adpellari haud incommode poterit *quantitas uirtutis ſ. moralis*; quod ſi uero in certa partium multitudine delituerit, *quantitas molis, ſ. phyſica*. Poſterioris huius quantitatis ſcientiam *matheſin phyſicam* adpellamus; prioris uero, nempe moralis quantitatis ſcientiam *matheſeos moralis ſ. dynamicæ* nomine inſignimus. Verum enim uero ut maniſeſtius adpareat, quid peregrina hæc & fortassis inaudita ſibi uelint nomina, tenendum hic probe eſt, *matheſin phyſicam* eandem nobis eſſe, quam pleraque omnia mathematicorum uolumina huc uſque tradiderunt, quamque ſolam ſemper noſtris patrumque noſtrorum temporibus ſub tritiſſimo illo matheſeos uel geometriæ titulo celebratam nouimus. Ad *matheſin autem dynamicam*, quæ *perfecti onum dimetiendarum regulas præſcribit*, omnes illæ ſpectant diſcipline, quæ uel circa mentem humanam ſingulasque ejus dotes, uel circa noſtras actiones earumque honeſtatem ac prauitatem, uel denique circa ſexcentas res alias ab omni materia alienas, uere mathematica adhibita accuratione dimetiendi; peritia uerſantur. His jam perſpectis, concipere nobis poſſumus *matheſin* quandam *logicam*, ſ. quod perinde eſt, *logicam mathematicam*, quæ modum docet ac principia intellectus humani perfectionem exactiſſime dimetiendi, huiusque intellectus cum alio quodam collati excellentiam aut imbecillitatem accuratiſſime deſignandi. Eadem plane ratione res ſe ſe habet cum *philophia moral*: itemque *civilis, mathematicis*, quippe quæ de uirtutum ac uiti rum, legum, præmiorum ac pœnarum, rerumque id genus aliarum gradibus mathematice diſquirunt. Quanquam autem ad inſignem hanc ſcientiæ gloriâ nondum adſpirauit philoſophorum ingenii acies, præclara tamen, ut confido, harum rerum ſpecimina in *latino* illo, quod nunc jam molitur *philophiæ ſyſtemate*, propediem nobis exhibebit

ILL. WOLFIVS.

Quando uero ex hæcenus dictis conſtat,

dupli-

duplicem omnino constituendam esse mathesin, physicam nempe & dynamicam, certe utriusque hujus doctrinae principia non possunt non ita esse comparata, ut ex attenta illorum comparatione, abstractionis, quam logici uocant, beneficio, alia quaedam principia eaque magis uniuersalia deduci queant. Atque horum demum principiorum complexus *mathesin* illam *uniuersalem* absoluit, quae, ut supra monuimus, *quantitatis qua talis, s. generatim spectatae, est scientia*, uel, ut ILL. WOLFII uerbis ex *praef. elem. arithm. lat.* utar, *est scientia, quae leges metendi generales & ad omnium rerum quantitatem determinandam mensuras convenientes praescribit*. Quae quum summum uideatur esse humanae cognitionis fastigium, longissime adhuc ab eadem absumus, neque commode ad eandem pertingemus, nisi prius insignes in laudata ista mathesi dynamica progressus fecerimus. (a)

§. III.

Matheseos physicae (quae alias nudo *matheseos* nomine uenire solet) uocabulo designamus *quantitatis physicae scientiam* (§. 2.) Quoniam autem haec ipsa molis quantitas, rerum corporearum quasi propria, duplici ratione spectari potest, nempe quatenus ipsis corporibus uel reapsa est immerfa, uel quatenus ab iisdem mente quasi abstrahitur; duplex etiam enata hinc est *quantitas*, quarum haec uocatur *pura*, ista uero *impura, s. applicata*; utraque etiam peculiarem sibi uendicat considerationem. Atque hinc elucet ratio, cur binae potissimum a prima inde nascentis hujus doctrinae origine ad nostra usque tempora

(a) Quicquid ADRIANVS ROMANVS, Louaniensis quondam mathematicus, itemque IO. WALLISIUS, Theol. & Geom. Prof. Saul. in acad. Oxon. alique plures sub *matheseos uniuersalis* nomine scripserunt, illud ad arithmetica, uel saltem ad algebrae potissimum spectant, adeoque commodius ad mathesin physicam referri potest.

tempora, *matheſeos* celebrentur ſpecies, *pura* nempe itemque *impura*. Scilicet *Matheſis pura eſt ſcientia quantitatis phyſicae purae ſ. ab ipſo corpore quaſi mente noſtra ſejunctae*. Quod ſi uero ſingulas quantitatis hujus partes ita fingamus juxta ſe inuicem diſpoſitas ut aliae alio ordine illis interponi nequeant, *quantitatis continuæ* ideam formamus, quam proinde quaſi maſſam aliquam uniformem concipimus alioque nomine *magnitudinem ſ. extenſum* dicere ſolemus. Contra uero *diſcretam quantitatem*, ſ. numerum uocamus, ſicubi ad ſolam partium uel unitatum multitudinem, remota omni extenſionis notione, attendimus. Itaque ipſa quantitatis purae indoles exigit, ut geminam matheſi purae diſciplinam adjudicemus, quarum altera ſub *Arithmetices*, altera ſub *Geometriae* nomine dudum innotuerunt: *Trigonometria* enim, quippe tertia illa matheſeos purae diſciplina, accurate loquendo non eſt, niſi geometriae quaedam particula, arithmetices beneficio plenius elaborata. Ad *Matheſin* uero *adplicatam* quod attinet, totidem ipſius conſtitui poſſunt partes, quot quidem diuerſa reperiuntur materialium rerum genera, ad quarum dimenſionem matheſeos purae principia adplicari poſſunt. Duplicis autem inprimis diſciplinæ iſtae ſunt naturae, quaedam enim, ut *Architectura civilis et militaris*, cum *Pyrotechnia*, *Chronologia* item, atq; aliae e politicorum, quaedam uero, ut *Mechanica*, *Hydroſtatica*, *Hydraulica*, *Optica*, *Aſtronomia* & *Geographia* e phyſicorum ſcholis ad ſcholas mathematicorum tranſierunt. Sed ne ignoremus, quid in plerisq; hactenus memoratis matheſeos diſciplinis pertractetur, inſtituti noſtri ratio poſtulat, ut aliqualem ipſarum ideam nunc jam delineemus.

§. IV.

Scilicet *Arithmetica numerorum* dicitur *ſcientia* (§. 3) adeoque omnia illa continet, quae uel ad intimas numerorum proprietates, uel ad ipſorum ex aliis cognitis inuentionem ſpectant. Hujusmodi doctrinam ueteres olim iuuenibus ſtudioſis ad acuendam ipſorum mentem inſtillabant, quanquam noſtris mo-

Matheſeos
purae ar-
gumenta
recenſen-
tur,

ribus, theoria ista subtiliore neglecta, practica inprimis arithmetica in pretio habetur, quae *calculi est scientia*, s. quae ex *propositis quibusdam numeris cognitis alios incognitos investigat*. Praecipuum autem arithmetices negotium in eo consistit, ut numeros confideret non solum (1) *in se spectatos*, eorumque algorithmum ac potentias; sed & (2) *inter se collatos*, hoc est, illorum rationes ac proportionēs. Geometriam uocamus *extensorum*, quatenus *extensa sunt scientiam*, (§. 3.) itaque ex eadem cognoscimus, quaecunque de lineis, superficiebus ac solidis, rectae & circularis linearum ope, demonstrari possunt. Trigonometria (3) *uocatur scientia ex cognitis tribus in triangulo quocunque partibus inueniendi reliquas antea incognitas*. Quod ut felicius procedat, geminum trigonometriae est officium; nempe (a) ostendere *Canonis h. e. tabularum sin. & tangg. itemque logaristh.* constructionem; (b) docere ipsam *triangulorum ex his principiis analysin* s. partium incognitarum inuestigandarum modum. Ac *planam* quidem adpellamus hanc trigonometriam, si uersatur circa triangula rectilinea; *Sphaericam* autem, quando ad triangg. curuilineorum uel sphaericorum resolutionem accommodatur.

§. V.

Matheseos
adplicatae
quaedam
partes deli-
neantur.

Haec de mathesi pura: pergimus nunc ad illas *mathe- seos adplicatae* partes, quae exactam naturae insinuant scientiam. (§. 3.) Agmen in his ducit *Mechanica*, quae *motus est scientia*, ipsamque adeo *staticam* simul complectitur, si quidem hanc dicimus *scientiam motus a corporum grauitate pendentis*. Quare hic dispicimus de *diuerso corporum motu*, eodemque uel aequabili, uel etiam uniformiter accelerato & retardato, uel perpendiculari, uel in plano inclinato; itemque de solidorum aequilibrio, s. grauitatis centro; porro de motu projectorum & qui est ex percussione; denique etiam de ui centrifuga & centripeta, & quae sunt ejusmodi. Dehinc principia quaedam proponuntur de *machinis*, cum simplicibus, tum etiam compositis, earumque & constructione & adpli-

adplicatione. Mechanicam excipit *Hydrostatica*, quae *gravitationis in fluido est scientia*, totaque prope in eo versatur, ut ostendat gravitatem ac leuitatem specificam, fluidorum aequilibrium & pressionem, ac denique gravitationem corporum specificè grauiorum aut leuiorum in fluidis specificè leuioribus uel grauioribus. *Aërometria* uero, quam adpellamus *scientiam metiendi aërem*, inquit in aëris elaterem & gravitatem, compressionem, aequilibrium cum aliis fluidis specificè grauioribus; item in ejusdem raritatem, densitatem ac motum; tandem etiam in ipsius calorem ac frigus; siccitatem & humiditatem; unde peculiare quaedam fluunt disciplinae, *Anemometria* scilicet ac *Meteorognosia*. *Hydraulices*, quae *motus fluidorum scientia* salutatur, principia huc redeunt, ut cognoscamus, quae ratio sit motus fluidorum, uel ab ipsorum gravitate, uel etiam ab aëre contiguo producti; item quae sit fontium salientium machinarumque hydraulicarum ratio & fabrica. Hydraulicam sequitur *Optica*, quae *uisibilium quae talium est scientia*, & pro diuersa radiorum indeque pendens uisionis natura, triplicem ambitu suo comprehendit scientiam, nempe (1) *Opticam* proprie sic dictam, quae *uisio- nis directae (i. e. per directum luminis radium factae)* est scientia; ideoque, exposita prius ipsa oculi nostri structura, insignes quasdam de luce, umbra, coloribus, nec non de magnitudinis, figurae, loci ac motus uisione ueritates demonstrat, indeque peculiarem quandam doctrinam deducit, nemo *Perspectiuam*, quae methodum tradit delineandi in tabula quodlibet objectum, quale in certa distantia & altitudine, juxta leges opticas, oculo adparet. (2) *Catoptrica*, s. specularis, tanquam *uisio- nis reflexae (i. e. quae fit per radium luminis reflexum)* scientia, speculorum quorumcunque, planorum, conuexorum, concauorum, pyramidalium, atque id genus aliorum explicat phaenomena, poliendorumque artificia. Denique (3) *Dioptrica*, s. *Anaclastica*, quum *uisio- nis refractae (id est quae fit per radium luminis re-*

fractum) sit *scientia*, exactissime docet refractionis in superficibus corporum pellucidorum, planorum ac sphaericorum, ut & in lentibus conuexis, concavis & meniscis, leges, subnexo simul mirifici harundem ueritatum commodi specimine in telescopiorum & microscopiorum, aliarumque hujus notae machinarum aptissima fabricatione. Restat jam, ut *Astronomiam* quoque strictim nunc attingamus. Nimirum astronomia h. e. *uniuersi hujus adspectabilis ejusque phaenomenorum scientia*, geminam continet partem, quarum prior, *sphaerica* scilicet, uniuersum considerat, quale in oculos nostros incurrit; posterior autem, *Theorica* nempe, ueram uniuersi fabricam considerat ejusque phaenomena inde determinat. Ultimo denique loco memoranda hic nobis etiam est *Geographia*, h. e. *telluris, quatenus cum in se, tum quoad affectiones suas mensurabilis est, scientia*. Huic accepta referenda sunt, quaecunque uel de telluris figura & magnitudine, uel de locorum in eadem longitudine, latitudine & distantis, uel de zonis & tempestatibus statis ac uagis, itemque climatibus, uel etiam de ipsius illuminatione uarioque incolarum situ solide cognoscimus. Atque haec de matheos adplicatae natura dicta sufficiant, quibus tanquam principiis inferius exponenda superstruentur. Si qui uero sunt, qui plura de hoc ipso argumento scire percipiunt, illi uelim consulant ILL. WOLFFII, aestumatissimi praeceptoris mei ac patroni, *Elementa mathef. germ. & lat.*

§. VI

Quid &
quotuplex
sit mathe-
maricorum
analysis,

Quid uero habendum nunc deniq; est de *algebra* s. *mathematicorum analysi*? Certe quando *Algebra non est*, nisi *logica mathematicorum*, s. *scientia inueniendi ueritates mathematicas*, aequationis beneficio, quiuis facile uidet, esse illam quandam quasi mathesin puram uniuersalem, aut, si mauis, *matheos purae complementum* (§. 3.); imo uero aliquam

mathe-

matheſeos noſtræ uniuerſalis partem (§. 2.), eam nempe, quæ de quantitate æquationis ope tractabili præcipit. Omnis autem algebra diſpeſcitur in *finitum* & *inſinitum analyſin*; cujus utriusque ut ne peruerſam animo concipiamus ideam, paucis monendum hic eſt, quid ſibi uelit *finita* & *inſinita* mathematicorum quantitas. Nempe *finitam* dicunt, cujus ad aliam quantitatem adſumtam adſignabilis datur ratio: contra uero *inſinitam* uocant, cujus ad aliam maiorem minoremue relatæ nulla comprehenſibilis adſignari poteſt ratio. Sic e. g. uultum hominis cum integra corporis ſtatura comparatum quantitatem dicunt finitam; integrum uero hominem, (quicquid tandem gigantum fraterculi ogganniant) ratione ſolis aut fixarum a terra diſtantiæ ſpectatum, perinde ut puluiſculum montis apici impoſitum in æſtimanda montis altitudine, quaſi quantitatem infinite paruam, imo uero nullam conſiderant. *Finitum* itaque *analyſin* mathematici dicunt ſcientiam ex cognitis quibusdam quantitatibus finitis æquationis ope inueniendi alias incognitas. Ac potiora quidem doctrinæ hujus momenta conſiſtunt in eo, ut expoſito prius calculo literali, ſublimiores matheſeos puræ ueritates reſoluantur, adiectis problematum indeterminatorum analyſi, quam uocant Diophantea, itemque geometria ſublimiori, (cujus enim ſupra mentionem fecimus, elementaris audit) ſiue curuarum, parabolæ, ellipſeos & hyperbolæ, indeque genitorum ſolidorum doctrina. *Inſinitum* autem *analyſis* eſt methodus ex data quantitate finita inueſtigandi aliam inſinitam; & contra. Hujus quidem quadruplicem recentiores conſtituere partem, *calculus* nempe *differentialem*, *integralem*, *exponentialem*, ac *differentio-differentialem*; quibus tamen ſingulis uberius explicandis nunc quidem ſuperſedemus.

§. VII.

Quid de
matheseos
progressu
statuen-
dum?

Quamquam autem, ut ex hactenus adlatis (§. 4. 5. 6.) palam est, haud plane contemnendos in utraque mathesi fecimus progressus, tantum tamen abest, ut summum harum scientiarum fastigium nos attigisse opinemur, ut potius ingenue confiteamur, quam plurima adhuc nostris olim posteris restare detegenda. Haec enim perfectionis humanae plerumque solet esse conditio, ut quo magis in eadem proteceris, hoc magis semper tuam agnoscere cogaris imperfectiorem. Respiciamus quaeso pristina barbarorum, graecorum, arabumque tempora: quantumvis enim excelsa in illis eminuerunt ingenia, tamen, ut ex PROCLI, SCHOTTI, VOSSII aliorumque scriptis constat, non nisi *Arithmetica*, *Geometria*, *Musica* & *Astronomia* cum aliqua *Optices* parte, easdemque imperfectas admodum nobis reliquerunt. His superiori demum seculo, praeter reliquas supra (§. 3.) laudatas disciplinas, (b) admirabilis illa *infinitorum analysis*, NEWTONO, LEIBNITIO, BERNOULLIISQUE inuentoribus, fuit adjecta. (c) Nostra denique aetate mathesi quoque adplicatae haud exiguum addidit ornamentum ILL. WOLFIUS, quando ex GALILAEI, TORRICELLII, GVERIKII, BOYLII, MARIOTTI, aliorumque excellentium mathematicorum, quin propriis etiam experimentis, pro admirabili, quo pollet, ingenio mathematico, nouam aliquam sub *Aërometriae* nomine disciplinam adornauit. Quas enim IO. CARAMVEL, Campaniensium olim episcopus, in *mathesi bicipite* h. e. *ueteri ac noua*, *Aërographiam* dedit atque *Anemometriam*, e KIRCHERI, RICCIOLI,

(b) Singularum disciplinarum origines & progressus sistere nobis debet *historia mathematica*, cujus, bene adiuuante deo, quaedam olim dabimus specimina.

(c) Conf. Acta Erudit. Lips. passim.

CIOLI, MERSENNI AC SCHOTTI scriptis congestas, eae quidem historiam magis sapiunt, quam mathesin. (d) Neque uero, uti speramus, deerunt, qui *fitus analysin*, qualem dudum meditatus fuit sagacissimus LEIBNITIVS; (e) *mensuram fixam*, ab HVGENIO feliciter tentatam; (f) *Characteristicam, Combinatoriam*, itemque *Architectonicam* uniuersales; (g) exactas *fixarum nouarum, cometarum ac lunae* (quoad uertiginis motum) *theorias*; (h) haud fallacem *magneticae declinationis*, itemq; *longitudinis designationem, exquisita denique horologia*; (i) certasque *anamorphosum opticarum* leges (k) cum sexcentis aliis rebus abstrusissimis, in apicum aliquando proferent.

§. VIII.

- (d) Hujus opera mathem., aliquot tomis, folii forma excusis, *An. 1670. ex officina episcop. Campan.* prodierunt, ab Excell. POLYC. LEYSERO nostro beneuole mecum communicata.
- (e) Conf. *Ratio prael. Wolfian. Sect. I. c. 2. §. 33.* item *Ej. praef. Elem. Analys. lat. praemissa.*
- (f) Conf. Cl. VIRI IO. CASP. EISENSCHMIDI *disquis. noua de ponderibus & mensuris ueterum.* Sect. III. cap. I. p. 93. Cui addenda sunt ea, quae NEVTONVS aliique recentiores de uiribus centrifugis nouiter demonstrarunt.
- (g) Vid. ILL. WOLFII *Metaph. Cap. III. §. 324. Architectonicae* autem *uniuersalis* i. sublimioris nomine indicamus scientiam, quae eurithmiae ac symmetriae rerum quarumcunque compositarum tradit principia.
- (h) Quid in hac ipsa theoria adhuc desideretur, constat ex Riccioli *Almag. nouo. Anglorum, Gallorum, itemque Germanorum* ephemeridibus; collatis ILL. VVOLFII *de system. solium dimid. Bullialdino disputatione*; nec non Cel. BVLEFINGERI sermone in acad. scient. Petropolit. superiori anno habito.
- (i) Ejusmodi problema IO. HERMANNVS, Math. super Prof. Petrop. in respons. ad BVLEFING. sermonem c. I. proposuit.
- (k) Conf. ILL. VVOLFII praef. HERTELII de poliendis uiris libro praemissam.

§. VIII.

Quaenam
genuina sit
methodi
mathemat.
indoles.

Commendatas superius disciplinas mathematicas ad unam omnes diximus esse scientias. (§. 3. 4. 5.) Ne quis igitur ignoret, quanta nominis illius augusti sit dignitas, paucis illud jam declarabimus. Enimuero *Scientiae* uocabulo designamus *habitu mentis adsertiones suas demonstrandi ex principiis evidentibus*: nihil autem principiorum *evidentium* loco habemus, nisi illas propositiones, quarum ueritatem distincte intuemur; cuiusmodi quidem sunt *propositiones identicae*, s. quod eodem recidit, *axiomata*, itemque *experientiae accuratae*. Nullas porro adsertiones firmiter *demonstratas* iudicamus, nisi *cum eiusmodi principiis manifestis per continuam ratiociniorum seriem fuerint connexae*. Simulac igitur mathesein scientiae nomine insignimus, statim hoc ipso indicamus, nullum unquam dogma, nisi firmiter demonstratum, tanquam uerum in eadem admitti. Quando uero primum solidae demonstrationis fundamentum positum est in distinctis rerum notionibus s. definitionibus, hoc inprimis sibi datum existimant esse mathematici, ut singulas uoces, quibus in dogmatis suis proponendis & confirmandis utuntur, exactissime definiant, ne qua forte uago illarum significato ad errores uel logomachias delabantur. (1) Quare triplicem potissimum in pertractandis ueritatibus sibi met ipsi sanxerunt legem; nempe (1) singulae uoces, quantum licet, accurate definiantur, ne quid obscuritatis uel ambiguitatis supersit. (2.) Singulae propositiones exacte demonstrantur, ne

(1) Hanc mathematicorum accurationem magnifice depraedicarunt ARNALDVS in *arte cogitandi*, CLERICVS in *Logica*, & cum multis aliis VVERENFELSIVS in *eleganti de logomachiis erudit. dissert.* de naevis autem, quos in mathemat. methodo iidem obseruarunt, dicemus deinceps.

ne quid falsi dubiue pro explorato temere adsumatur. Denique (3) experientiae summa, quantum fieri potest, circumspectione instituatur, ne subreptionis uitio nobis aliisque turpiter imponamus. Atque hae demum leges sunt, quibus uniuersa illa *mathematicorum* superstructa est *methodus*; hanc enim dum nominamus, eum intelligimus conceptuum ac uertutum ordinem, cuius ope singula ita disponuntur, ut sufficienter & explicari & demonstrari queant. Unde simul liquet ratio, quare a definitionibus tractationis suae primordia capiant mathematici, deriuatisque inde ueris axiomatibus, positivae horum loco experientiae accuratis, theoremata superstruunt & problemata; adjunctis, pro re nata, corollariis & scholiis. Ueberius haec omnia exposuit ILL. WOLFIVS in commentar. de methodo math. elementis mathes. praefixa. Ne quid uero circa experientias omisisse uideamur, illud monendum adhuc superest, experientias dici ejusm. ueritates, quas ad sensationes nostras attenti cognoscimus. Quod quidem ipsum duplici in primis fieri solet ratione: uel enim sensationes nostrae spontaneis nituntur phaenomenis, uel etiam ejusmodi supponunt obseruabilia, quae nostro studio erant producenda. Posterioris generis experientias adpellamus *Experimenta*; contra uero priores dicimus *Obseruationes*. Utrarumque consideratio peculiarem sibi uendicat *obseruandi & experimentandi artem*, quam ipsam tamen una cum multis aliis (§. 7.) mathematicorum sollertiae committimus elaborandam: his enim, si uerum dicere fas est, maximam partem debetur, quicquid in empirico cognitionis genere solidi praecipitur. (m)

C

§. IX.

- (m) Quanta mathematicorum in *experimentis* mechanicis, hydrostat. ærometricis, hydraulicis & opticis instituendis sit industria & circumspectio, nemini obsecrum est, nisi qui forte in his studiis plane hospes fuerit. *Obseruationum* autem primos artifices extitisse astronomos, uetustissimae *Chaldaeorum* & *Aegyptiorum* obseruationes satis loquuntur. Sic enim, PORPHYRIO teste, CALLISTHENES, ALEXANDRI M. comes, acceptas a Chald. 1903. (DIOD. SICYL. numerat ultra 30000.)

§. IX.

Methodus
mathema-
tica genui-
na uindica-
tur, affecta-
ta rejicitur.

Ex iam dictis (§. 8) ut opinor, satis superque adparet, methodum mathematicam ita omnino esse comparatam, ut nihil prope in eadem desit, quod ad solidiorem ueritatis cognitionem ullo unquam iure desiderari queat. Quare neutiquam aberrant, qui genuinam mathematicorum methodum, quippe maxime naturalem humanaeque mentis indoli mirifice accommodatam, in disquirenda ueritate unam omnium iudicant esse tutissimam. Quamuis enim non desint, qui celeberrimorum uirorum, ARNALDI puta, & qui hujus uestigia pressit, CLERICI, BVDDEI, RVDIGERI, GENZKENII aliorumque auctoritatibus freti, egregios in hac ipsa methodo deprehendisse sibi uidentur naeuos, pleraeque tamen omnes ipsorum objectiones eo tandem, si quid ego uideo, redeunt, ut uelut absorta mathematicis exprobrentur, a quibus ipsi longe semper fuerunt alienissimi. Quod uero obijciunt, methodum mathematicam quodammodo esse confusam, id uero aliter sese habet: (juxta. §. 5.) etenim meminisse debebant, hoc inprimis operam esse dandam, ut ueritates non tam memoria, quam animo potius comprehendantur. Cauendum interim quoque sollicitè est, ne statim pro mathematicis habeantur, qui speciosis *definitionum, axiomatum, demonstrationum* &, quae primo loco nominanda erant, *postulatorum* titulis ita pessime abutuntur, ut, ne quid dicam acerbius, splendidi ueritatum *postulatores* euadant. Quod si enim ueram matheseos indolem penitus perspexerimus, illos demum mathematice differuisse iudicabimus, non qui mathematicis opiniones incertas uendunt uocabulis, sed qui pro uirili sua ueram ubiuis sectantur euidèntiam.

§. X.

30000. annorum obseruationes coelestes in Graeciam ad ARISTOTELEM misit. Vid. VSSERIUS in *Annal. V. & N. T.* Conf. RICCIOLVS in *Almag. nouo*, ibidemque citati auctores. Hipparchus certe, Ptolemaeus, Copernicus, Kepplerus, Galilaeus, Wilhelmus Hass, Landgr. cum Rothmanno & Byrgio, Tycho, Heuelius, Hugenius, Cassini, Lahiri, Flamstedius, Hallejus, aliiq; immortalè ex obseruationibus suis consecuti sunt gloriam.

§. X.

Enimuero quum mathematici in examinandis juxta demonstrationis leges ueritatibus longe omnium sint rigidissimi (§. 8. subindeque praeclaris admodum exemplis ostendant, quomodo ex cognitis quibusdam ueritatibus aliae quaedam antea nondum cognitae inuestigari debeant, (§. 4. 6.) nemo prudens facile, spero, negauerit, illos demum in ueritate cum *dijudicanda*, tum *inuestiganda* felicissime uersari posse, qui solidis matheſeos principiis mentem prius imbuerunt atque exercuerunt. Praeterquam enim, quod plerisque mathematicorum principiis quasi natua quaedam inſit ueritatis neceſſitas, ipſa illa numerorum ac figurarum delineatio praestat, ut ad ſummam rationis, ſed & ſenſuum euidentiam, quae in plerisque rebus aliis difficilius obtinetur, adſpiremus. Quicquid enim SEXTVS EMPIRICVS, CORNELIVS AGRIPPA, HOBBSIVS aliiq; ad euertendam principiorum mathematicorum euidentiam ſatis, ut adpareat, acute diſputarunt, id quidem omne uel infauſtam animi dubitationem, uel intempeſtiua ingenii oſtentionem redolet, neque operoſa indiget refutatione, quoniam dudum reſoluti ſunt ipſorum nodi a GVIL. LANGIO, Hafnienſium olim mathematicat. in eximio de *ueritatibus geometr.* opere; itemque a CL. WEIDLERO Witteb. in *iudiciis mathem. contra quorundam philoſophor. obſectones.* Nihil igitur a ueritate alienum dixerit, ſi adſeruerim, nullum omnino ſtudio, ſi quidem exactum fuerit, planius eſſe aut facilius arduo illo, ut plerisque uidetur, matheſeos ſtudio. Dudum hoc agnouerunt uiri omnium conſenſu facile praetantiſſimi, quales ſunt PLATO, MELANCHTHON, MALEBRANCHIVS, TSCHIRNHVSIVS, LEIBNITIVS, LOCKIVS & cum hiſ alii, quos ego teſtes heic adhibere poſſem, ſiquidem auctoritatibus, quam rationibus pugnare mallem. At uero neutiquam ferenda, inquiunt nonnulli, iſta mathematicorum arrogantia eſt, qua cum GASSENDO palmam

Matheſeos
ſolidae ſtu-
dium acuit
mentem.

sibimet ipsi tribuunt; (n) uel cum *Sinenfibus* duos sibimet gratulantur oculos, reliquis, uelut monoculis, coecutientibus; uel denique cum lynceo isto scil. arithmetico practico nullam nec pietistarum, nec reliquorum doctorum controuersiam adeo grauem existimant esse, quin solo numerorum calculo dirimi quam facillime possit. Ineptissimi omnium, fateor, iudicari possent mathematici, si quidem arbitrarentur, se quamprimum aliquos in mathesi fecerint progressus, uniuersas disciplinas reliquas simul quasi deuorasse: quis uero cordatus unquam eo insolentiae processit mathematicus? Matheseos autem insignem praeter caeteras disciplinas in acuendis mentibus usum esse, id quidem est, quod haecenus demonstrauimus. Interim neque illud dissimulandum, esse quam plurimos, qui, licet omnem in doctrinis mathematicis uitam consumserint, quiduis tamen potius consecuti uideantur, quam limatum ac politum in cognoscenda ueritate iudicium. Nisi enim exactam illam logicae naturalis s. uniuersalis methodum in discenda mathesi obseruaueris (§. 8.) sane quid mathematicum inter & rudem aliquem agrimensorem, calendariographum, mechanicum, aut perspicillorum politorum intersit, ego iuxta cum ignarissimis scio. Quae quum ita sint, cauendum sollicitè est, ne mathematicorum proprias existimemus esse ineptias, in quas ILL. MENKENIUS de *Charlataneria eruditorum*, THOMASIUS, alique passim quam argutissime declamarunt.

§. XI.

Quid &
quotuplex
sit Physica.

Haecenus intimiorem matheseos indolem descripsimus: progrediendum nunc est ad ipsam philosophiae naturalis delineationem; hanc enim qui neglexerit, is quidem frustra-
neo

(n) Conf. GASSENDVS in oratione inaugurali, quum professionem mathematicum auspicaretur.

neo plane conatu matheſeos in eadem praeſtantiam medita-
bitur. Eſt igitur *philosophia naturalis*, ſ. quod idem eſt, *phy-
ſica, rerum naturalium qua talium ſcientia*. Quando uero
ſcientiam diximus eſſe demonſtrandi habitum, (§. 8.) ſta-
tim hinc efficitur, praecipuum philoſophiae naturalis offi-
cium conſiſtere in eo, ut, euitata fingendi licentia, ex eui-
dentibus principiis oſtendat, quatenam uerae ſint & proxi-
mae rerum naturalium cauſae, uel quod perinde eſt, quo-
modo phaenomena, in adſpectabili hoc mundi ſyſtemate
paſſim obuia, per ipſas corporum eſſentiam ac uires pro-
duci poſſint. Etenim *naturalia* dicuntur nobis omnia, quae-
cunque per uires rerum corporearum ſunt poſſibilia, ſic-
uti per ipſam *corporum naturam* nihil aliud, niſi uim ipſo-
rum actiuam ſeu motricem intelligimus. Itaque phyſici eſt
exponere, quomodo u.c. aurora iſta borealis, qualem nuper
admodum non ſine admiratione ſpectauimus, in atmophae-
ra noſtra exoriatur, item quae ſit cauſa nunc tremuli, nunc
celerrime uibrati, nunc paſſim rubefcentis in eadem lumi-
nis. Similiter phyſici eſt explicare, undenam ſint horribi-
les iſti terrae motus ac mugitus, quorum uiolentia prae-
grandes aedificiorum, urbium, quin & regionum moles con-
quaſſantur. Genuinas autem iſtiusmodi phaenomenorum,
praefertim ubi rariora fuerint, cauſas ut feliciter adſequeren-
tur, hoc ſibi datum exiſtimarunt eſſe naturae interpretes, ut
aſtronomorum exemplo (§. 8.) peculiareſ quasdam conderent
ephemerides, in quibus ſollicite notarent, ſi quid forte noui
in uariſſima illa uniuerſi huius compage ſenſibus obueni-
ret. Atque hinc tandem enata eſt *hiſtoria quaedam natu-
ralis*; quae proinde nihil aliud eſt, niſi obſeruationum com-
plexus (§. 8.) h. e. *phaenomenorum naturalium, praecipue rario-
rum, exacta quaedam enarratio*. Ceterum quia plurima ſunt
rerum naturalium phaenomena, quorum uel incerta, uel ſal-
tem nimis lenta uidebatur expectatio, non ſine ratione
uiſum fuit naturae myſtis, arte ſua naturam quaſi prouocare,

ut collatis omnibus, quae ad effectum aliquem producendum requiruntur, abstrusissimas naturae vires ac leges coram intueri possent. Quas ipsas obseruationes artificiosis, experimentorum nomine insignitas, (§. 8.) dum studiose conscripserunt, nouam inde naturalis doctrinae partem, sub *experimentalis physicae* titulo condere coeperunt. Et sane, quid melius excogitari poterat a philosophis, quam elaboratio istiusmodi doctrinarum, (historiae scilicet naturae, itemque physicae experim.) ex quibus solida dogmatum physicorum desumi possunt principia? Hoc enim felicius semper in eruendis rerum naturalium causis progredimur, quo maiori & obseruationum & experimentorum sed accuratiorum, copia sumus instructi.

§. XII.

Potiora
philosophi-
ae natura-
lis capita
quaenam
sint,

Diximus, philosophiam naturalem (quae ipsa *dogmaticam* physices *partem* absoluit) illud inprimis efficere, ut distincte cognoscatur, quid per essentiam & naturam corporum fieri possit. (§. II.) Igitur quando *corpora* uocamus *entia illa composita*, quae uelut *paries nostrum hocce uniuersum constituent*, facile adparet, e philosophia naturali depromendam esse explicationem omnium phaenomenorum naturalium, quae in unaquouis mundi huius parte obseruantur; siue illa jam contingant in *corporibus illis totalibus*, qualia sunt u.g. sol, stellae fixae & planetae; siue demum eueniant in *corporibus mundi partialibus*, cuiusmodi sunt lapides, plantae, quin ipsi etiam homines. Quanquam, ne hospites simus in patria, nostrae huius telluris, corporumque in eadem occurrentium, maxime humani, consideratio palmarium uidetur, in quo physicorum exercenda est industria. Quam quidem ob rem uniuersam philosophiam naturalem cum IL. WOLFIO nostro, & qui huius dogmata latine, sed & breuius expressit, CL. THÜMMIGIO, haud incommode sic disponimus, ut *prima pars* agat de *Corporibus eorumque adfectionibus in genere*:
altera

altera (2) de *mundo uniuerso*, hujusdemque corporibus totalibus, planetis nimirum, sole, stellis fixis & cometis; tandem etiam de ipso mundi ex hisce corporibus systemate. (3) *tertia* dispicit de *tellure* nostra, ejusdemque atmosphaera, uento, tempestatibus, statis aequae ac uagis; item de meteoris, iisdemque uel (a) aqueis, qualia sunt nebula, nubes, ros, pruina, pluuia & grando, uel (b) emphaticis, quo referuntur iris, halones, parhelii ac paraselenae; uel denique (c) ignitis, fulgure scil. tonitiru, aurora boreali, ignibus fatuis aliisque. Denique etiam de aqua in superficie telluris obuia, nec non de fossilibus, s: quae in ipsis terrae uisceribus reperiuntur. (4) *quarta pars* tractat de *uegetabilibus* i. *plantis*, earumque cum uegetatione, tum uita etiam, morte ac generatione. (5) *quinta denique & ultima pars* sistit *oeconomiam animalium*, ubi quae ad illorum nutritionem sensationem, ac motum, itemque ad illorum generationem uitam & mortem spectant, discutuntur.

§. XIII.

Ne quid uero in hac nostra philosophiae naturalis adumbratione supersit obscuritatis, addenda nunc quaedam etiam sunt de ipsa corporum naturalium indole. Nimirum Corpora nihil aliud nobis denotant, nisi *entia illa composita*, ex quibus tanquam partibus nostrum hoc uniuersum componitur (§. 12.) Quare mea quidem sententia, nihil omnino de compositis innotescit, quin idem simul de corporibus etiam demonstrari queat. Enimuero quoniam *composita* dicuntur, quaecunque ex pluribus a se inuicem distinctis partibus constant, fieri sane haud potest, quin spatium aliquod repleant, ideoque certam semper ac determinatam habeant extensionem uel magnitudinem (§. 3.) eandemque *mensurabilem*; siquidem illud *metimur*, cujus ad aliam quandam quantitatem homogeneam, adinstar unitatis adsumtam (quam proinde *mensuram* dicere solemus) determinamus rationem. Quam autem

Quenam sit genuina corporis naturalis idea; item quae sint ejusdem proprietates.

tem extensionis hujus limites, metaphysicorum ore, *figura* nuncupari soleant, consequens hinc est, quoduis compositum certa quadam figura esse praeditum. Similiter quoque constat, unumquoduis compositum, (id quod de singulis etiam ejus partibus obtinet) quandoquidem ita semper reliquis coëxistit, ut alio subinde, alioque modo coëxistere illis possit, *locum suum mutare*, adeoque *aliud spatium occupare* posse: neutrum enim, in abstracto consideratum, aliquam compositis inducit mutationem. Quid enim aliud est *Spatium*, nisi *simultaneorum* s. *coëxistentium* ordo? Quid *locus*, nisi *certus quidam reliquis rebus coëxistendi modus*? Ipsa uero *loci mutatio* illud est, quod philosophi *motum* adpellarunt. Quod si uero *essentia primum est*, quod de re aliqua concipitur, & unde reliquorum quae ipsi competunt, ratio redditur, manifestum hinc est, compositi essentiam consistere in ipso compositionis modo, qui ex diuersa partium indole harundemque combinatione provenit. Si qua igitur in compositis fieri debet mutatio, uariari in illis debet uel magnitudo, uel figura, uel situs partium, uel denique ipse totius locus. Quae omnia quum non nisi motus beneficio uariari queant, euidentissime hinc jam colligitur, *nullam in compositis fieri posse mutationem, nisi mediante motu*. Ista uero singula, quae de compositis hactenus demonstrauimus, facili negotio adplicari possunt, imo uero debent, ad ipsa corpora; utrorumque enim idem est conceptus; eadem igitur etiam sint proprietates necesse est.

§. XIV.

Haecenus de corporis essentia, itemque eius extensione, & quae hinc deriuari possunt, ejus adfectionibus disseruimus: (§. 13.) Superest nunc, ut paucis moneamus, ipsam illam extensionem, sed cum *inertiae* uel *resistentiae* quadam ui conjunctam, illud esse, quod in philosophorum & mathematicorum scholis dicitur *materia*. Reuera autem inesse corporibus aliquam inertiae uim, qua motui resistunt, abunde satis

Quid de
corporis
materia &
natura
notandum
sit.

fatis loquitur experientia ; praeterquam quod jam olim KEPLERVS eandem aduerterit , nostris autem temporibus nemo fere sit , nisi motus theoriae ignarus , qui de ista ui passiva dubitare sustineat. Sed praeter ipsam hanc materiam aliud quidpiam inest corporibus naturalibus, a materia plane diuersum , nempe certa quaedam sed uariabilis celeritas atque directio : Quae quum non sint nisi modificationes s. limitationes rei cuiusdam permanentis, satis superque hinc patet, neutiquam aberrasse illos , qui uim aliquam actiuam s. motricem cum TSCHIRNHVSIO, LEIBNITIO aliisque in corpore admiserunt. Quae quidem undenam oriatur, metaphysicis exponendum relinquimus. Igitur in unoquoque corpore spectari debet ejusdem (1) *essentia*, quae consistit in compositionis modo ; (2) *materia*, quae uim inertiae largitur atque extensionem ; & denique etiam (3) *natura*, h. e. ejusdem uis actiua, quae per corporis directionem ac celeritatem solet modificari. Quae quum ita fuerint, quiuis facile uidet, quid de Cartesiana corporis per solam extensionem definitione sit habendum : hic enim quum non sine ratione contra *uacuiistas* uel *atomistas* defenderet, *in uniuerso plena esse omnia*, propter insignem, ut adpareat, *uacui* horrorem eo tandem abripiebatur, ut *in principiis philos.* acerrime contenderet, solam extensionem corpori sufficere. Quam ipsam CARTESII ejusque sequacium aberrationem grauitur praeter ceteros ferunt Angli, ceu uidere est ex KEILII *Prof. Oxon. ad ueram physicam introductione*. Obseruandum enim probe est, *corpus naturale*, quod in physicis consideramus, neutiquam esse unum idemque cum *corpore mathematico*, quippe cui praeter solam extensionem nihil inesse concipitur. (§. 3.) Longe uero aliter res se se habet in corpore naturali ; praeterquam enim quod in eodem quaedam insit natura, (*juxta super.*) obseruationes certe microscopicae, quin & metaphysicorum principia quasi ad oculum demonstrant, nullam plane materiae particulam deprehendi, quin uere sit a reliquis

D

omni.

omnibus diuersa, (o) quum in corpore mathematico, quam sine errore, massa quaedam homogenea s. uniformis fingatur. (§. 3.) Unde simul adparet, quanam cautione opus sit in admittendis iis, quae de *materiae in infinitum diuisibilitate* philosophorum nonnulli disputarunt. Tametsi enim non mirifica solum *auri ductilitas*, sed incomprehensibilis etiam *effluuiorum*, ut & *animalculorum* paruitas abunde doceant, (p) stupendam plane esse *materiae subtilitatem*; tamen quae KEILIVS c. l. alique passim pro adstruenda materiae in infinitum diuisibilitate ex principiis mathem. acutissime demonstrarunt, ea quidem a uero corpore physico haud parum uidentur esse aliena; quum ad extensum continuum s. corpus mathematicum uerissime adplicari possint. Enimuero nisi in perscrutandis materiae minutiis modo dicta bina illa corpora, *partes item actuales & possibiles*, sollicitè distinxerimus, uerendum sane est, ne in decantatum illum philosophorum labyrinthum, quem inextricabiles circa diuisionem & compositionem continui difficultates excitarunt, incidamus.

§. XV. *De triplici cognitione naturae*

De triplici
naturae co-
gnitione, ac
praecipue
de mathe-
matica,

Historiam, (quo experimenta simul referimus,) sed & philosophiam naturalem, supra, quantum licuit, delineauimus. (§. II.) Quod si uero, ut ex logicorum principiis constat, triplex fere sit humanae cognitionis species, quarum prima dicitur (1) *Cognitio historica*; altera (2) *Cognitio philosophica*; tertia denique & summa (3) *Cognitio mathematica*, dubitari haudquam

(o) Haud omnino ab his abludunt, quae scripserunt Ill. quondam LEIBNITIVS in monadolog. & post illum *Speſtab. Decanus meus*, D. VVAGNERVS in progr. inferius citato. sub lit. r.

(p) Conf. hic BOYLIVS in tr. de nat. & subtilit. effluuiorum, HOOKIVS item ACHIVS in micrographia, LEVVENHOOKIVS passim, FRANC. TERT. DE LANIS in magisterio nat. & artis, KEILIVS in Introd. ad phys. item Transact. Anglic. & STYRMIVS in Phys. elect.

quaquam potest, quin naturalis etiam cognitionis eadem sit ratio. Quum enim historica cognitio qualemcunque tantum requirat rerum existentiae siue possibilitatis in mente repraesentationem, non obscura ejus in historia naturali reperiuntur uestigia. Cognitionem autem philosophicam, utpote quae de reddendis rerum rationibus sollicita est, commendatam sibi merito habent, qui liquidam in naturalibus sitiunt ueritatem. Neque uero inepta est horundem in inquirendis rerum caulis industria; siquidem, ut ex *cosmologia* & *ikrol-gia naturali* elucet, ejusmodi mundum nobis sitit ueneranda numinis sapientia, in quo admirabilis plane, tum quoad efficientes, tum quoad finales causas obseruatur connexio: quam qui distincte intuentur atque interpretantur, ii demum solide in naturalibus philosophantur. Enimvero quid tandem de *cognitione rerum naturalium mathematica* statuendum? Hujus certe officium erit, exactam inuestigare dimensionem omnium eorum, quae circa rerum naturalium uires & phaenomena occurrunt. Sic u. g. physici mathematici est exactissime demonstrare, utrum ipsa illa materia, in qua lumen boreale solet excitari, sit in nostra atmosphaera; an uero extra illam in aethere subtiliori: item quanta praecise sit luminis ab isto phaenomeno in terram demissi intensio, & quae sunt hujusmodi. (1) Similiter a physico mathematico expectanda est accuratior terrae motuum expositio, ut planius constet, quaenam requiratur uirium in antris subterraneis quantitas, quibus tanta corporum terrestrium pondera labefactantur ac projiciuntur. Si qui autem forte sint, qui de mathematica h. e. exacta rerum naturalium cognitione desperant, ii uelim in memoriam reuocent, quae superius de corpore, ut & rerum dimensione demonstraui-

D 2

mus.

(1) Istaec omnia B. noster OLDERMANNVS gr. ling. prof. idemque strenuus coeli speculator, ex sententia, credo, praestitisset, nisi fata ejus institutum antecuerissent.

mus. (§. 13.) Nimirum quando omnia corporum phaenomena, naturae ipsorum conformia, proficiscuntur a motu h. e. determinata actiuitatis illorum celeritate ac directione, variatis illorum figura, magnitudine, partium situ, uel denique ipsorum loco; satis, meo quidem iudicio, liquet, nihil omnino in illis obseruari, quin mathematicam admittat dimensionem. (§. 13.) Manifestum igitur est, esse quandam naturae cognitionem mathematicam, (h. e. quae rerum naturalium effectus ex principiis mathematicis, quantum licet, exactissime demonstrat) adeoque neminem de matheseos in philosophia naturali praestantia dubitare amplius posse, nisi qui cum ratione insanire gestiunt. Neque enim desunt, neque olim defuerunt, qui mathematicae hujus in natura cognitionis eximia dederunt specimina: quorum alia & praecipua superius iam tum innuimus, quando matheseos adplicatae partes recensuimus; (§. 5.) alia autem inferius demum memorabimus. (r) Nunc quidem pergimus ad uberiorem praestantiae matheseos in philosophia naturali expositionem.

§. XVI.

Quotplex
sit usus
matheseos
in physicis,

Equidem haud confictam matheseos in physicis utilitatem esse, ita jam cognouimus, quam qui uel maxime. (§. 15.) Verum enim uero ut planius intelligatur, quaenam praecipue circa matheseos in physicis adplicationem obseruanda sint, operae pretium facturus mihi uideor, sicubi dilucidius exposuero, quae demum sint illa mathematicorum principia, unde mirificas adeo in peruestigandis naturae arcanis expectare possumus

(r) Referri huc meretur elegantissimum illud *programma*, de *Geometriae, speciatim uero puncti, in scientia nat. usu* a Celeb. VVAGNERO, Math. & Phys. Prof. Decano ac Patrono meo uenerando, An. 1706, in hac acad. conscriptum.

simus commoditates. Quid uero tum, si dixerò, mathe-
 os in physicis praestantiam uel inde patescere, quod quaedam
 in illa proponantur ueritates? Enimuero propter admira-
 bilem rerum ac ueritatum nexum, nulla unquam ueritas
 usque adeo leuis adparere potest atque abjecta, quin aliquan-
 do uel scientiis uel uitae moribus prodesse queat. Lucu-
 lentius hoc ipsum perspiceremus, siquidem ejusm. extarent
 historiae liter. systemata, quae scientiarum progressum accurate
 describerent. Legat, qui uelit, quae Cel. BVLFFINGERVS
in sermone petropolit. de incredibili leuissimarum quarundam
 ueritatum in aliis inuestigandis utilitate grauiter admodum
 disseruit. Sed ne qua forte illos offendam, qui ueritatum
 praestantiam non tam humanae mentis perfectione, quam
 pane metiuntur, id potius dabo operam ut breuiter demon-
 stre, (1) *Singulas fere disciplinas mathematicas ejusm. tra-*
dere principia, sine quibus parum, imo uero nihil solidi in pleris-
que rebus physicis cognoscitur; itemque (2) *methodum mathem. prae-*
stare, ut in dijudicandis & inuestigandis phaenomenorum cau-
sis sine aberrationis metu progrediamur.

§. XVII.

Igitur quod ad *methodum mathematicam* adtinet (nam-
 que de priore thesi disputabimus deinceps) ejus profecto in
 philosophia naturali usus hoc uidetur esse praestantior, quo
 felicius semper in quacunque ueritate cognoscenda ejus be-
 neficio progredimur. (§. 10.) Quemadmodum enim in philo-
 sophia nat. non *rationibus* solum, sed sensuum quoque legi-
 timus requiritur usus; (§. 11.) sic utrorumque leges & exer-
 citationes longe aptissimas laudata ista mathematicorum
 methodus praescribit. (§. 8 10.) Quare si quis accurationis ma-
 thematicae haud insuetus ad inquirendas phaenomenorum
 naturalium causas accesserit, is certe summo semper studio
 in id incumbet, ut quantum fieri potest, distinctas uel saltem
 claras sibi formet rerum obuiarum notiones, ne splendida uocabu-
 lorum inanium pompa sibi aliisque imponat. (§. 8.) Neque enim

Quid praes-
 tet (1) me-
 thodus
 mathem.
 in physicis

innumeri isti, sed & obscuri ueterum scholasticorum termini in *TRIX* (de quibus prolixè tractauit I. C. STURMIVS, Prof. quondam Altdorf. in *Physica eclectica*) aliunde originem suam traxisse uidentur, nisi ex neglecto distinctarum notionum studio. Ex eodem fonte profluxerunt FRANC. LINI, Angli cujusd. *funiculus*, cujus ope liquidorum seruetur continuitas; sic & HENR. MORI, Angli quoque, *spiritus hylarchicus*, tandemque HELMONTII *spiritus archens*, quos uelut per uniuersa mundi corpora diffusos somniant. Quis igitur illis succenseret, qui plerosque scholast. terminos dixerunt esse *uoces eleganter sonantes, sed nihil significantes, ad palliandam ignorantiam excogitatas*. Nisi enim distinctè explicentur, parum abest, quin ad *occultarum qualitarum* classim referri queant; siquidem *Occulta qualitas* nihil aliud est, quam ejusmodi quidpiam, cujus nullam nec habemus, nec habere possumus ideam. Quin ueterum etiam philosophorum plerique, *Aegyptii* e.g. *Pythagoraei*, & item alii, in hunc ipsum impigisse uidentur lapidem: quanquam enim haud exigua rerum natur. scientia ualuerunt, tamen quando, artis occultandae studio, symbolis omnia inuoluerunt, posterorum studia non tam iuuauerunt, quam disturbarunt. CARTESIVS autem, uir sagacissimus, idemque in mathesi uersatissimus, abjecta ueterum uaniloquentia, distinctis rerum notionibus operam dare coepit, adeoque nouam quasi lucem scientiis accendit. Licet in eo fortassis aberrauerit, quod, uti ipsemet fatetur, in fingendis principiis physicis lineam transilierit: Ut enim ipsius *de homine tractatum* omittam, certe in *de mundo adspectabili dissertatione* usque adeo affabre omnia effinxit, ut ab anonymo quodam in tract. *Voyage du monde de des Cartes*, (*Cartesii iter per mundum*), propter summam in fingendo licentiam mire exagitetur. Enimuero altera methodi math. lex postulat, ut nullam admittamus propositionem nisi firmiter demonstratam (§. 8.) Itaque prohibet, ne pro phaenomenorum nat. expositione istiusm. sumamus principia generalia, quorum fortassis

tassis nullam praeter nostram fingendi audaciam dari potest ratio ; quaeque tandem nihil efficiunt aliud, quam ut feliciorum scientiae progressum impediant. Plerumque enim fit, ut qui coeco ipsorum auctores sectantur studio, in erroribus sint tenaciores ; quo pertinent illa, quae ex GALILAEO refert AMBROS. RHODIVS in *dialogo de transmigr. animarum Pythag.* quum enim in Veneti cujusdam anatomici aedibus inter cadaueris dissectionem de neruorum ex cerebro origine disputaretur, peripateticus quidam ita tandem est profatus : *Equidem ita aperte rem oculis subiecisti, ut, nisi textus Aristotelis aperte nervos ex corde deducens obfaret, in sententiam tuam me fueris pertracturus.* Istiusmodi theoristarum, methodistarum, elementatorum & sectariorum mores nocentissimos acerrime perstrinxerunt VERVLAMIUS, KEILIVS, & alii. Non enim in philosophia naturali disquiritur, quid alii statuerint, aut quid fieri forte possit, sed quid reuera fiat : neque uero remotiores rerum causae prius meditandae sunt, quam ubi de proximis plane constiterit. Quo autem facilius ab ejusmodi figmentis abstineamus, illud praecipue opera danda est, ut *nihil in principiis nostris numeremus, nisi quod ex accuratis observationibus atque experimentis deduximus.* Quantam uero in utrisque & excogitandis & instituendis mathematicorum methodus atque principia praestent, (§. 8.) illis sane obscurum esse nequit, qui ingeniosissima CARTESII circa iridem, HVGENII circa parheliolorum & grauitatis explicationem, atque aliorum praestantium mathematicorum experimenta penitus cognouerunt, quorum plena sunt *Anglor. & Gallor. academicor. itemq; Germanor. diaria.* Etiam si uero *uniuersalem istam obseruandi & experimentandi artem* nondum obtinuerimus a philosophis, (§. 8.) tamen haud spernenda hujus artis principia passim obuia sunt in plerisque mathes. adplicatae disciplinis : (§. 5.) Ut nihil nunc dicam de Ill. WOLFII *philosophia experim.* quippe cujus studio non dogmata solum, experimentorum ope examinata & inuenta,

per-

perdiscimus, sed ipsis quoque experimentandi artificibus sensim adsuescimus. Denique uero maxima methodi mathem. praestantia consistit in eo, ut ostendat, quomodo ex ipsis phaenomenis in experimento uel obseruatione obuiis, deducenda sint uniuersalia quaedam dogmata, quibus tanquam solidis principiis aliae ueritates naturales superstruendae sunt. (§. 10.) Nisi enim his instructus ad explicandas phaenomenorum causas accesseris, oleum sane atque operam perdes. Quid enim e. g. statuendum tibi erit de jucundo ac miro illo *diabolorum Cartesianorum* spectaculo, nisi ex experimentis hydrostaticis uniuersalia quaedam de corporum specifica grauitate callueris principia? Quid statuendum tibi erit de aurorae borealis altitudine, materia, origine, lumineque uario, nisi ex obseruationibus astronomicis, hydrostaticis atque opticis quaedam deduxeris dogmata?

Quid denique praestent (2) principia mathematica in physicis

§. XVIII.

Satis igitur adparet, insignes plane ex methodo mathem. in philosophiam naturalem redundare utilitates; (§. 17.) ostendendum nunc porro est, *singulas fere disciplinas mathem. istiusmodi tradere principia, quae in scientia naturali adprime sunt necessaria.* Nimirum quando philosophia naturalis occupatur in explicandis phaenomenorum causis, (§. 11.) nulla autem in naturalibus fieri potest mutatio, nisi quae ipsarum essentiae atque naturae sit conformis; (§. 15.) quis quaeso dubitare uellet, eos prae ceteris naturae mysteria interpretari optime posse, qui utramque & essentiam & naturam una cum reliquis corporum adfectionibus penitus cognoscunt. Quod quum non nisi ex principiis mathem. fieri queat, (§. 15.) tateri omnino cogimur, sine ueritatibus mathemat. mancum ualde atque imperfectum esse philosophiae nat. studium. Simulac enim ad ea respicimus, quae superius cum de matheoseos, tum etiam de philos. nat. momentis praecipuis indicauimus, statim

statim inde liquet, neminem de corporum adfectionibus, figuris e.g. magnitudine aliisque solide philosophari posse, nisi in promptu habuerit principia geometrica & quae in his prope necessaria sunt, arithmetica. Omitto nunc ea, quae ex plerisque reliquis applicatae matheseos disciplinis ad philosophiam nat. transferuntur principia; horum enim ea deprehenditur esse indoles, ut qui u. g. sine solida astronomiae cognitione de *uniuersi* hujus systemate ejusdemque corporibus totalibus philosophari instituunt, misere coecutiant atque labantur. Quis quaelo solidi quidpiam de telluris nostrae figura, atmosphaera, meteoris ac fluuiis demonstraret, nisi *geographiam mathem.* cum *astronomia*, *aërometriadem* item & *opticam* cum *hydrostatica* & *hydraulica* exactissime tenuerit. Quomodo *statices* ignarus saluum se se cum antipodibus suis praestabit in tellure, circa axem atque solem celerrime agitata? uerendum sane est, ne tandem praeceps in coelum illabatur. *At o felicem casum!* (*festiue inquit*, PLINIO citato, RICCIOLVS in *Almag nouo*) *si illis & nobis & omnibus, deo uolente, contingat cadere in coelum.* Ita parum quoque felices sunt in explicandis plantarum phaenomenis; *animalium* item nutritione, structura, generatione atque actionibus, qui sine hydraul. hydrost. aërometr. atque mechan. principiis doctrinam de organicis ejusmodi corporibus adgrediuntur. Id quod *Excell.* HEISTERVM nostrum in praelectionibus anatomicis identidem monere memini. Exponant, si uelint, *aërometriae* ignari, quā tandem fiat, ut ex tenuissimis uaporum sulphureorum flammis, qualis quidem TSCHIRNHVSIO in *medic. mentis*, ipsaque experientia quotidiana testibus, in terrae motibus aliisque chymicorum operationibus obseruari solet, usque adeo stupendae fieri possint telluris concussionis? Explicent, si possint, qui in *aërometria* atque hydraulica sunt hospites, undenam sint enormes istae aëris ac fluidorum reliquorum in corporibus propellendis ac diffringendis uires? Sed

de his atque id genus aliis phaenomenis dispiciemus in disputatione altera. Ceterum illud hic monendum restat, unica *mechanicae* uel *staticae* scientia neglecta, plerasque in philosophia naturali ueritates imperfectius cognosci, imo uero suspectas uideri. Quum enim in natura nihil efficiatur sine *motu*, (§. 13.) ii quidem optime rebus suis prospiciunt, qui, dum ad naturam explorandam sese accingunt, mechanices principia sibi ante reddunt familiaria. Etenim, ut nihil nunc dicam de reliquis *motuum regulis*, quae a mechanicis proponuntur, (§. 5.) illud inprimis obseruari uelim, admirabiles istas easdemque *universales naturae uel motus leges*, juxta quas omnis corporum naturalium *uis, & actiua & passiva*, diuinæ sapientiae jussu temperatur, nulla ratione felicius & inuestigari & demonstrari, nisi ex principiis atque experimentis mechanicis. Ostenderunt hoc ipsum praeclaro suo exemplo HUGENIUS, WRENNUS, WALLISIUS, NEWTONUS, & qui primo loco nominandus erat, Ill. quondam LEIBNITIVS, mathematicorum facile principes atque incomparabiles naturae interpretes. Conf. Ill. WOLFII *Elem. mechan. lat. it. Cel. BVLFFINGERI dilucidat. philos.* Ipsae autem naturae circa motum leges sunt fere sequentes:

I. Unumquodque corpus perseuerat in statu motus aut quietis uniformi, nisi a causa externa impediatur aut acceleretur.

II. Actioni aequalis sed contraria est reactio in omni corporum conflictu, s. Effectus plenus semper est aequipollens uiribus causae integrae.

III. *In conflictu corporum, adeoque in toto universo, eadem semper conseruatur uirium quantitas.*

IV. *Natura non facit saltum h. e. quies considerari potest, ut motus euanesceus, uel infinite tardus; aequalitas mobilium ut inaequalitas successive euanesceus.*

Quaenam uero speciales, experimentorum ope, ex his deduci possint motus leges, id quidem uberior ex laudatis antea auctoribus cognoscitur.

ADDITAMENTA.

1. Coecutiunt, qui sine solidiori philologia lyncei sibi uidentur in sacris.
2. In plerisque coeli partibus adparent sidera, ubi nulla sunt; & contra, ubi quaedam sunt, ibi nulla adparent.
3. Saltum committunt, qui sine motu philosophantur in naturalibus.
4. Sine animi integritate laedimus, quibus suum tribuimus.

5. Historicus accuratus simul sit philosophus.
6. Surdorum eloquentia mathematicis accepta ferenda est.
7. Aut dubitandum est de maiestate diuina, aut concedendum, mundum praesentem esse perfectissimum.
8. Hebraeorum linguam & facta nemo solidius scrutatur, nisi qui ipsorum corpus induit atque animum.
9. Optimum genuinae logices exercitium reperitur in Algebra.
10. Graeca fides in promouendis scientiis haudquaquam fuit pessima.
11. Metaphysicorum subtilitates immortalem promerentur gloriam.

